

SANITÉ: l'ambulatore dl dotur Eduard Agreiter resta stlüt en jöbia, ai 30 d'auri.

PLOANIES SAN MARTIN Y LUNGIARÜ

La Uniun dles Ęres Catoliches inviëia düc i geniturs che á n pice möt o na picia möta da batié, pers che aspeta, toc y totes de nosc decanat ala preparaziun dl Bato la sabeda, ai 09 de ma, dales 15.00 ales 17.00 a Al Plan tl local de colonia. Prëibel prenotesse pro Lucia 334 32 00 396.

l/les seniors/es da Lungiarü y da San Martin y Antermëia é dër bel inviá/des da gní le mercuri, ai 27 de ma, ala jita al Achensee (Tirol). Le bus pëia ia da Lungiarü dales 07.00 (da San Martin dales 7.15). Al gnará trat ite te bus 30 euro porom. La marëna y les spëises de bar se paia vignun/öna instës/sa. Prëibel prenotesse pro Renate 342 32 79 406 cina ai 10 de ma.

La Uniun di Ęi Val Badia (KMB) inviëia düc i ëi y i jogn ala prozesciun cun linternes o ciandëres che vignun dess se tó do en mercuri, ai 13 de ma, dales 21.00 da Neustift a Porsenú, che se stlúj jö cun na mëssa tl dom. Al vá ia na coriera che passa a San Martin ia dala burcia dales 19.20. I interessá é peria da s'anunzié pro Leo Crepaz 348 40 96 351 cina en domënia ai 10 de ma.

LUNGIARÜ

La domënia dla jopa vëgn por gaujes desvalies sburlada a d'altonn. Comité KVV

Le Museum Ladin Ciastel de Tor inviëia ala presentaziun dl liber „Ciastel de Tor: Families y descendënzes“ de Irma Trebo en sabeda, ai 09 de ma, cun renfrësch y vijites menades fora por le ciastel. Le liber é na inrescida genealogica dles döes families Trebo y Zingerle de Tor a San Martin che nes cunta olache i descendënc dles döes families é tla spana de 200 agn indlunch rová.

Le Consëi de Formaziun d'Al Plan y Zicuta Lab mët a jí na incuntada con Georg Trebo che manajëia l'Urt da Ras – verzöra d'Al Plan. Al gnará baié de co arjigné ca l'urt, somené y co fá por fá crësce de pices plantes. I s'incuntun sön la gran plaza dai auti sö Ras, en sabeda, ai 09 de ma dales 10.00 ales 12.00.

Döt le bun a chi che complësc i agn de ma

a San Martin Emma Costabiei che nen complësc 89 al 1
Nina Rubatscher Tolpeit che nen complësc 96 al 1
Zita Prada Planatscher che nen complësc 91 ai 5
Clara Tavella Videsott che nen complësc 84 ai 9
Sepl Graffonara che nen complësc 81 ai 16
Pire Tavella (Fiun) che nen complësc 81 ai 23
Sefl Prousch che nen complësc 88 ai 23
Milia Comploi Rives che nen complësc 84 ai 24
Maria Thaler Sorà che nen complësc 83 ai 27
Paul Zingerle (Tor) che nen complësc 83 ai 31

a Lungiarü Giovanni Chiusura che nen complësc 82 ai 3
Maria Castlunger Clara nen complësc 81 ai 9



Plata dles Ploanies San Martin y Lungiarü

ploan siur Klaus Sottsas 344 15 54 055 - klsottsas@rolmail.net
curat don Marco Veghini - pfarrei.ploania@protonmail.com
redaziun: anton.gasser@rolmail.net - 348 27 44 517 / 0474 523194

26.04.26 - 03.05.26 n. 22

termo por comunicaziuns: jöbia, dales 20.00

4ª DOMËNIA DE PASCA - A

Vangele do san Lüca 10,1-10

Te chël tëm্প à Gejù dit: Amen, amen, i ves diji: Chël che va te tamà nia da üsc ite, mo da n'atra pert ite, chël é n lere y n loter. Chël che va indere da üsc ite é le famëi dles bisces. Le portinà ti deura y les bisces ascuta süa usc; al chërda les bisces che é sües, vignöna por so inom y les condüj fora. Do ch'al à parè fora dötes sües bisces, ti val danfora, y les bisces ti va do; deache ares conësc süa usc. A n forest ne ti jaràres nia do, mo ares sciamparà da d'ël, cíodiche ares ne conësc nia la usc dl forest.

Gejù ti à cuntè chësta parabola; mo ai ne capî nia le significat de cí ch'al ti à dit. Gejù ti à dit inant: Amen, amen, i ves diji: Iö sun l'üsc da i jì pormez ales bisces. Düc chi che é gnüs dan mè è leri y lotri; mo les bisces ne i à nia ascutè sö. Iö sun l'üsc; chël che passa da mè ite gnará salvè; al jarà ite y fora y ciafarà pastöra. Le lere vëgn mà a d'arobè, a copè y a desfà; iö sun gnü, por che ares ais la vita y che ares l'ais en abundanza.



*Le bun famëi ne pënsa dessigü nia che sües bisces é ma bisces.
Y al ne pënsa dessigü nia a n tlap de bisces, canch'al pënsa a na comunité.
I mini che le bun famëi conësces les facultés de vignöna y de vignun,
i talënc ch'i dessun porté ite tl sorvisc de nosta vocaziun a bëgn dla jënt.
Y i crëii che le bun famëi ne conësces degöna biscia zënza n talënt.
Sciöche bele dit: Al conësc les facultés de sües bisces y les deblëzes ince,
ma che les deblëzes ne ti é al bun famëi nia tan importantes.* Michael Tillmann

EDEMA - A	SAN MARTIN	LUNGIARÜ
26.04.26 4ª DOMÈNIA DE PASCA - A <i>Prozesciun por vocaziuns</i> dales 14.00 da San Linert sö Oies	FESTA DLA PRÖMA COMUNIUN 10.00 Ingress te dljia (siur Klaus) dala plaza dla scora Gran Mëssa por la comunité <i>al cianta le cor dles mitans y di mituns</i>	7.50 Corona (pater da Oies) 8.15 Gran Mëssa por la comunité cun benedisciun di auti y mascins en onú de San Florian por i Stödafüch + Davide Daporta, aniv. + + Sepl y Maria Paracia + + Giovanni y Sabina Clara aniv. + Amalia Rives Mischi
27.04.26 <i>Pire Canisius, Zita</i> Lönesc		
28.04.26 <i>Pire Ch., Gianna Beretta</i> Dedolönesc	<i>degöna Mëssa</i>	
29.04.26 <i>Caterina da Siena</i> Dedemesaledema		
30.04.26 <i>Pio, Rosamunda</i> Jöbia	19.00 Mëssa + siur Robert Miribung	
01.05.26 Pröm vëndres Sant Ojöp Laurant	18.30 Adoraziun chîta 19.00 Mëssa en onur de Sant Ojöp y de Sant Antone	7.00 Adoraziun 7.30 Mëssa + Hilda Pezzei + Sepl Chiusura y families
02.05.26 <i>Atanase, Sigismund</i> Sabeda	18.30 Mëssa prefestia (don Marco) + Erwin Rungger, dl ann por na defunta	
03.05.26 5ª DOMÈNIA DE PASCA-A <i>Apostui Filip y Iaco</i>	9.10 Prozesciun de San Florian a Picolin 10.00 Gran Mëssa por la comunité (don Marco) + + + suor Maria Dolores Erlacher, siur Vito Rubatscher, vësko Karl Golser	7.50 Corona de ma 8.15 Gran Mëssa por la comunité dl ann + Rita Zingerle +Iarone Rungger aniv. + Emilia Nagler

Domènia dles vocaziuns



Scè sön trus nüs Idî s'invieia
spo ede l'ardimënt da jí,
ciodiche vita ó dí vëia
da jí y ne s'indormedí.
Da canch' alalt Idî stënn fora
döt en corú so erch tan bel,
n'él tröc che pëia altafora
por trus tl vers dl rëgn noel.

Cherded' ti trus che Dî ves deura,
ciared' incërch cun atenziun;
al ó ch'i sèise por süa tera
de üt y benédisciun.
Da chël ch'i èis ciagé laota
so fle tles vënes de osc sanch,
a d'èl, olach'al ves adora,
ma jidi do, al vá pö dant.

Por í trus nüs che Dî ves ürtia
fidesse, piede do süa man,
de üsc bojëgns bëgn èl se crüzia
y fistidiëia por doman.
La fede ion inant ves portes
dal tëmp spo ia tl'eternité.
Y al lomines da sües portes
sön os de Dî l'imensité.



Os sëis mi amisc!
Os, Maxim Bioc, Daniel Coradazzi, Tobias Dapoz, Marie Graffonara, Domëne Moling,
Kevin Rungger, Lukas Zingerle y Josephine Grace Yanez sëis mi amisc,
mi compagns y mies compagnes.
Gejú é senté cun sü compagns pro mësa. Ai tëgn past deboriada.
Gejú ti dá ia n pan y dij "Chësc é mi corp." Al ti dá ia le caresc y dij "Chësc é mi sanch."
Sü amisc sint: Nos aldiun adöm. Nos formun na comunité. Y Gejú é amesa nos ite.
Vigni iade canch'i jun ala comuniun vëgnel a sté danter nos.
De chësc s'alegrëia döta la comunité.

